

## "Қазығұрт аудандық мәслихат аппараты" мемлекеттік мекемесінің қызметтік куәлікті беру қағидаларын және оның сипаттамасын бекіту туралы

### ***Күшін жойған***

Оңтүстік Қазақстан облысы Қазығұрт аудандық мәслихатының 2017 жылғы 26 қыркүйектегі № 19/116-VI шешімі. Оңтүстік Қазақстан облысының Әділет департаментінде 2017 жылғы 16 қазанда № 4233 болып тіркелді. Күші жойылды - Түркістан облысы Қазығұрт аудандық мәслихатының 2023 жылғы 18 қазандағы № 6/41-VIII шешімімен

**Ескерту.** Күші жойылды - Түркістан облысы Қазығұрт аудандық мәслихатының 18.10.2023 № 6/41-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) шешімімен.

Қазақстан Республикасының 2015 жылғы 23 қарашадағы "Қазақстан Республикасының мемлекеттік қызметі туралы" Заңының 30-бабының 4-тармағына сәйкес, Қазығұрт аудандық мәслихаты **ШЕШІМ ҚАБЫЛДАДЫ:**

1. Қоса беріліп отырған:

1) осы шешімнің 1-қосымшасына сәйкес "Қазығұрт аудандық мәслихат аппараты" мемлекеттік мекемесінің қызметтік куәлікті беру қағидалары;

2) осы шешімнің 2-қосымшасына сәйкес "Қазығұрт аудандық мәслихат аппараты" мемлекеттік мекемесінің қызметтік куәлігінің сипаттамасы бекітілсін.

2. Осы шешімнің орындалуын бақылау аудандық мәслихат аппаратының басшысы Б.А.Омаровқа жүктелсін.

3. Осы шешім оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Аудандық мәслихат

сессиясының төрағасы

Аудандық мәслихат

хатшысы

A. Тасай

У.Копеев

Қазығұрт аудандық мәслихатының

2017 жылғы 26 қыркүйектегі

№ 19/116 шешіміне 1-қосымша

**"Қазығұрт аудандық мәслихат аппараты" мемлекеттік мекемесінің қызметтік куәлікті беру қағидалары**

### **1. Жалпы ережелер**

1. Осы "Қазығұрт аудандық мәслихат аппараты" мемлекеттік мекемесінің қызметтік куәлікті беру қағидалары (бұдан әрі – Қағидалар) "Қазығұрт аудандық

"мәслихат аппараты" мемлекеттік мекемесінің қызметтік күеліктерді беру тәртібін белгілейді.

2. Мемлекеттік қызметшінің қызметтік күелігі (бұдан әрі - Қызметтік күелік) оның мемлекеттік лауазымы мен лауазымдық өкілеттіктерін растайтын құжат болып табылады.

3. Қызметтік күелік осы шешіммен бекітілген сипаттамаға сәйкес болуы тиіс.

4. Тиісінше ресімделмеген, жарамдылық мерзімі өткен, түзетілген және тазартылған күелік жарамсыз болып саналады.

## **2. Қызметтік күелікті беру тәртібі**

5. Қызметтік күелік "Қазығұрт аудандық мәслихат аппараты" мемлекеттік мекемесінің мемлекеттік қызметшілеріне Қазығұрт аудандық мәслихат хатшысының қолы қойылып беріледі.

6. Қызметтік күелік қызметкерлерге лауазымға тағайындалған, лауазымы ауысқан және бұған дейін берілген күеліктің мерзімі өткен, жоғалған немесе бүлінген жағдайда беріледі.

Қызметкерлер алған қызметтік күелік үшін осы Қағидаларға қосымша келісілген нысаны бойынша қызметтік күелікті беруді есепке алу журналына қол қояды (бұдан әрі – есепке алу журналы).

7. Қызметтік күеліктер мен есепке алу журналы персоналды басқару қызметіне жауапты маманның сейфінде сақталады.

8. Мемлекеттік қызметке алғаш қабылданған мемлекеттік қызметшіге қызметтік күелікті тапсырған кезде пайдалану және оны сақтау тәртібі бойынша түсіндіру жүргізіледі.

Осы Қағидалардың 6-тармағында көзделген қызметтік күелікті ауыстыру кезінде бұрын берілген қызметтік күелікті персоналды басқару қызметіне жауапты маман қайтарып алады.

9. Персоналды басқару қызметіне жауапты маман жыл сайын, 1 қаңтардағы жағдай бойынша, қызметтік күеліктердің есептік деректерге сәйкестігіне салыстырып тексеру жүргізеді.

10. Қызметтік күеліктерін толтыру, ресімдеу, есепке алу, беру, сақтау және жою тәртібін жалпы бақылауды персоналды басқару қызметіне жауапты маман жүзеге асырады.

11. Қызметтік күелік жоғалған немесе бүлінген жағдайда, оның иесі дереу персоналды басқару қызметіне жауапты маманға жазбаша (ерікті) нысанда хабарлайды, бұқаралық ақпарат құралдарына хабарландыру береді.

12. Қызметтік күелікті жоғалтудың, бұлдірудің, сондай-ақ оны басқа адамдарға берудің немесе мақсатқа сай пайдаланбаудың әрбір фактісі бойынша персоналды басқару қызметіне жауапты маман қызметтік тергеп-тексеру туралы

екімнің шығуынан кейін, он жұмыс күні ішінде қызметтік тергеп-тексеру жүргізеді, оның нәтижелері бойынша тәртіптік комиссия кінәлілерді тәртіптік жауапкершілікке тарту туралы мәселені қарайды.

13. Жоғалған қызметтік қуәліктер бұқаралық ақпарат құралдары арқылы жарамсыз деп жарияланады, бұл туралы персоналды басқару қызметіне жауапты маман хабардар етіледі. Жоғалғаның орнына жаңа қызметтік қуәлікті қызметтік тергеп-тексеру жүргізілгеннен кейін персоналды басқару қызметіне жауапты маман береді.

14. Жұмыстан босатылған кезде қызметкер қызметтік қуәлікті персоналды басқару қызметіне жауапты маманға тапсырады.

Куәлікті тапсырған кезде кету парағына персоналды басқару қызметіне жауапты маманның қолы қойылады.

15. Қызметкерлер жұмыстан босатылған, не бұлінген кезде тапсырған қызметтік қуәліктер еркін нысандағы тиісті жою туралы акт жасала отырып, бір жылда бір рет жойылуға жатады.

"Қазығұрт аудандық мәслихат  
аппараты" мемлекеттік мекемесінің  
қызметтік қуәлікті беру  
қағидаларына қосымша  
Нысан

### **Қызметтік қуәлікті беруді есепке алу журналы**

№	Қызметтік қуәліктің номірі	Тегі, Аты, Жөні (бар болған жағдайда)	Атқаратын лауазымы	Берілген күні	Алғаны женінде жеке қолы	Қызметтік қуәлікті ауыстыру ы және тапсырған ы, (тағайында луы, лауазымының өзгеруі, мерзімінің өтуі, жұмыстан босатылуы, жоғалуы туралы белгі)	Қызметтік қуәлікті жою актінің номірі мен күні)	Ескертпе
---	----------------------------	---------------------------------------	--------------------	---------------	--------------------------	---	---	----------

Ескертпе: Қызметтік қуәліктерін беруді есепке алу журналы тігіліп, номірленіп және персоналды басқару қызметіне жауапты маманның қолымен және мемлекеттік мекеменің мөрімен расталады.

Қазығұрт аудандық мәслихатының

## "Қазығұрт аудандық мәслихат аппараты" мемлекеттік мекемесінің қызметтік қуәлігінің сипаттамасы

1. Қызметтік қуәліктің мұқабаларының көлемі 19 см x 6,5 см (ашып көрсетілген түрінде), көк (көгілдір) түсті экобылғарыдан немесе жоғары сапалы жасанды былғарыдан болуы.

2. Қызметтік қуәліктің сыртқы бетінің ортасында алтын түсті Қазақстан Республикасы Мемлекеттік Елтаңбасының бейнесі орналасқан, одан төмен "КУӘЛІК", "УДОСТОВЕРЕНИЕ" деген типографиялық қаріппен жазба жазылады.

3. Қызметтік қуәліктің ішкі жағында сары түс аясында шеңберде орналасқан күн мен қалықтаған қыранның жасырын формасын қолдана отырып көгілдір түсті қорғаныштық тангир бейнеленген. Жоғарғы бөлігінде (қазақ және орыс тілдерінде) тиісті мемлекеттік органның атауы, одан төмен мәтіннен көк түсті үзік жолақпен бөлектелген "ҚАЗАҚСТАН РЕСПУБЛИКАСЫ" деген жазулар орналастырылған.

4. Сол жағында: көлемі 2,5 x 3,5 см фотосурет (қарсы алдынан түсірілген, түрлі-түсті), мемлекеттік орган басшысының қолымен және елтаңбалы мөрмен расталған қазақ тіліндегі мәтін.

5. Оң жағында: көгілдір түсті көлемі 3 x 4 см Қазақстан Республикасының Мемлекеттік Елтаңбасының бейнесі, елтаңбаның төменгі жағында көгілдір жасыл түсті "ҚАЗАҚСТАН" деген жазу және орыс тіліндегі мәтін. Төменгі жағында қуәліктің жарамдылық мерзімі (екі жыл мерзімге беріледі) көрсетіледі.